



## HELDUEN DANBORRADETARAKO ARAUAK

### 1. art..

Araudi honek, Danborraden ospakizunetan tradizioa eta ospea zaintzeko helburua du.

### 2. art..

Danborrada, legez osatutako ongintza, kultur, gastronomia edo aisiarako sozietate batek babestu beharko du. Artikulu hau ez da, araua onartu ondoren atzeraeraginez aplikatuko.

### 3. art.

Danborradetako jantziek eta kideen kopuruak uniformizatuak joan behar dute: gastadoreak, alabardariak, kantinerak, danborrak, barrilak, urketariak eta musika-banda.

Jantziak Napoleonen garaikoen antzekoak izateko ahaleginak egingo dira edo, bestela, sukaldari eta urtekarien ohiko jantziak erabiliko dira.

Gutxienez honako kide hauez osatuta egon behar dute:

- gastadoreak: 3 kide edo bat ere ez
- danborrak: 20 kide
- barrilak: 40 kide
- banda: 14 kide

### 4. art..

Desfilean eta musika-konposizioen interpretazioan, laguntza bezala ez da aurrez grabatutako musikarik erabiliko (diskoak, zintak, eta abar).

## DERRIGORREZ JO BEHARREKOAK

San Sebastian martxa

Tatiago

Iriyarena

Polka

Diana

Retreta

## AUKERAKOAK

Gau Ibillera

Hau dek hau

Caballería de Viejas

Caballeria de gallos



## **Ataque de Herrikosemes**

### **5. art..**

**Danborrada guztiek, urtarrilaren 20an derrigorrez interpretatu behar dituzte goian adierazitako musika-konposizioak. Pieza horiek urtarrilaren 19ko 23:30etik urtarrilaren 20ko 24:00ak arte jo ahal izango dituzte, San Sebastian martxaren kasua izan ezik. Konposizio hau urtarrilaren 19ko 24:00etatik aurrera bakarrik jo ahal izango dute.**

### **6. art..**

**Auzo berean Danborrada bat baino gehiago baleude, Danborrada horien ordutegia, ibilbidea eta eskuduntzak antzintasun-ordena errespetatuz zehaztuko dira, zaharretik berrienera.**

**Danborrada berriak, libre geratzen diren ordutegi eta ibilbidetara egokituko dira.**

**Danborrada berrien ibilbideak euren zona edo auzora mugatuko dira.**

### **7. art..**

**Danborrada berri bat sortzeko, elkarte eskatzaileko arduradunak, KTEri zuzendutako proposamena egingo du, honako puntu hauek adieraziz:**

- Irteera-eguna eta -ordua.**
- Kide-kopurua.**
- Jantziak.**
- Ibilbidea.**

**Eskaerak jasotzeko epea, irten aurreko urteko uztailaren 31n amaituko da.**

**Eskaera jaso ondoren, KTEk Danborraden Batzordeari, egindako eskaeren berri emango dio, eta honek baiezkoa eman edo egokiak iruditzen zaizkion eragozpenak ezarriko ditu. Erabakia, danborrada berriari jakinaraziko diote urriaren 30a baino lehen.**

### **8. art..**

**Danborradek ezingo dute publizitate edo propagandarik eraman. Horrenbestez, debekatua dago, danborradaren sozietate-antolatzailearenak ez diren bandera, estandarteak, pegatinak, kartelak eta abar eramatea.**



**Donostiako bandera Danborrada guztiek derrigorrez eramango dute. Nahi badute, ikurrina ere eraman ahal izango dute.**

**Banderadunak eramaten duen Donostiako banderak, Donostiako Udalak 1998ko azaroaren 23ko Bilkuran onartutako kolore eta neurri ofizialak izan beharko ditu:**

“Donostiako bandera ofiziala zuria da, 2,5 x 1,6 m-ko neurria du, eta zorroaren ondoan, goialdean, frantzia urdin koloreko laukizuzena du. Laukizuzenaren aldeek zorroaren eta banderaren luzeraren bi bostenak okupatu behar ditu. Bandera barrualdean jartzeko erabiltzen bada, 1,5 m x 1 m neurtu beharko du.”

## **9. art..**

**Danborraden eskubideak:**

**A- Ezohiko Batzar Nagusietan ahotsa eta botoa emateko eskubidea izatea.**

**B- Onartutako Danborraden herenak gutxienez eskatuta, Ezohiko Batzar Nagusiak egiteko eskaera idatziz egitea.**

**C- Euren zonako Danborraden Ordezkarien Batzordeko kide izatea.**

**D- Udalaren edo beste edozein diru-laguntza jasotzea, beti ere arau hau osorik betetzen bada.**

## **10. art..**

**Danborraden obligazioak:**

**A- Danborrada guztiek, Danborraden Ordezkarien Batzordeak edo Ezohiko Batzar Orokorretan hartutako erabakiak errespetatuko dituzte.**

**B- Diru-laguntza nahi duten danborrada guztiek eskaera KTEn aurkeztu beharko dute.**

**C- Honako arrazoi hauengatik zigortu ahal izango da:**

**c-1 Araudi honetako edozein artikulutan adierazitakoa betetzen ez delako.**

**c-2 Horren ondorioz ezarriko litzatekeen zigorra eta zenbatekoa, udalak bakoitzari emandako diru-laguntzatik deskontatuko da. Kopuru hori, proportzionalki, gainerako danborradei banatuko diete. Beste hainbaten artean**



**honako ekintza hauek zigor daitezke: uniformetasun-falta, araudi honetan adierazten ez diren musika-piezak jotzea, beste danborrada bati eragozten ibiltzea, megafonia erabiltzea, Batzordearen baimenik gabe beste data batean ateratzea, eta abar.**

**Halaber, diruarekin lotu gabeko beste hainbat zigor-neurri hartu ahal izango dira, besteak beste, arauak hautsi dituen danborradari hurrengo urtean parte hartzen ez uztea.**

**D- Danborraden Batzordeko postuek ez dute ordain ekonomikorik izango.**

**11. art..**

**Danborraden koordinazio-batzordeak eta KTEk, Danborraden osaerarekin lotutako gai guztien inguruan erabakiko dute. Erabaki horiek, KTEko Zuzendaritza Batzordeak berretsi beharko ditu.**

**12. art..**

**Donostiako lurralde-eremua, oraingoz, 7 zonatan banatu da. Zona bakoitzean bertako danborradak egongo dira.**

**Zonako danborradetako ordezkari guztien artean, zonako arduraduna izendatuko dute, eta honek zona horretako danborrada guztiak ordezkatuko ditu Danborradako Zonako Ordezkarien Batzordean. Ordezkaria, zonako danborraden artean gehiengo simple bidez aukeratuko dute.**

**Danborradako Zonako Ordezkarien Batzordea honako hauek osatuko dute:**

- \*Ezarrিতako zona bakoitzeko zonako arduradun bat.**
- \*KTEko ordezkari delegatua, zuzendaria edo zinegotzi delegatua.**

**Honako ekintza hauek Danborradako Zonako Ordezkarien Batzordearen esku daude:**

- \*Urtarrilaren 20ko festan parte hartzen duten danborraden koordinazioa eta antolaketa.**
- \*Danborraden araudia onartu eta aldatzea.**
- \*Araudi honen ondoriozko arauak aplikatuko direla gainbegiratzea**



**Danborradako Zonako Ordezkarien Batzordearen erabakiak gehiengo absolutu bidez hartuko dituzte. Ordezkarien erdia gehi bat daudenean, gaur egun lau, quorum-a emango da. Berdinketa egonez gero, KTEk kalitate-botoa erabili ahal izango du.**

## **13. art..**

**Ezohiko Batzar Nagusiak egingo dira. Bertan, onartutako danborrada guztiek hartuko dute parte:**

- a) Zonako Ordezkarien Batzordeak egokitzat jotzen duenean.**
- b) Danborrada guztien herenak gutxienez idatziz eskatzen duenean. Danborrada bakoitzak boto bat izango du.**

## **14. art..**

**Hirugarren aldeak eskatuta deitutako Ezohiko Batzar Nagusiak, eskaera eman eta gehienez 20 eguneko epean egin beharko dira, 13. artikuluko d idatz-zatian adierazten den bezala.**

**Edozein motako Batzarretarako deialdiak idatziz eta hartu izanaren adierazpenarekin egingo dira.**

## **15. art..**

**Edozein kasutan, Araudi honi dagokion arlo guztietan, KTEko Zuzendaritza Batzordeari dagokio berresteko gaitasuna.**

**Donostia-San Sebastián, 2006**